



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 49. Epistolæ Episcoporum Galliæ ad S. Hilarium.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

Sæculum IV. depositionis Cyrilli certiolem reddidit,
 A. C. 357. Sylvanus tamen non ideo S. Cyrillum a
 publico in Ecclesia officio arcendum existi-
 mavit, tum quod maxima eum Vene-
 ratione prosequeretur, tum ne populus
 sermonibus ejus, quos avide audiebat,
 privaretur.

§. XLIX.

*Epistolæ Episcoporum Galliæ ad
 S. Hilarium.*

*Hilar. de
 Syn. init.*

ANNI jam tres effluxerant, ex quo S. Hi-
 larius Pictaviensis in exilio vivens,
 ab Episcopis Galliæ nihil litterarum ac-
 ceperat, quamvis diversis e locis ad eos
 scripsisset. Tandem timuit, ne volunta-
 rium esset silentium, ipsique cum totalis
 in errorem lapsi essent, hinc ipse quoque
 silere statuerat, nec cum ipsis ultra com-
 municare, postquam secundum Domini
 Nostri præceptum sæpius monuisset; non
 enim credibile sibi videbatur, eis Epi-
 stolarum suarum nullam fuisse redditam,
 quibus de statu Ecclesiarum Orientalium,
 atque de fide, & zelo multorum Episco-
 porum referebat. Tandem aliquas ab
 eis accepit Epistolas, ex quibus intelle-
 xit, si prius nullas accepisset, nullam sub-
 esse causam, quam quod locum, ubi ipse
 moraretur, nescivissent. Summo latti-
 tiæ sensu perspexit, ipsos fidem servasse
 inte-

integerrimam, sibi absenti semper in Spi- Sæculum IV.
ritu unitos fuisse, & per hoc triennium A. C. 357.
communione Saturnini, exilii sui Au-
ctoris, semper rejecisse; cum non diu
antea Sirmio formula Potamii ad eos fuis-
set missa, non solum non recepisse illam,
sed etiam nominatim damnasse. Etiam
rogabant, ut eis clare explicaret, quæ-
nam esset Orientalium de Divinitate Filii
Dei fides, & quid sibi vellent tot repe-
titæ, aliæque fidei formulæ, quas a tem-
pore Concilii Nicæni composuissent?
Ad hæc S. Hilarius, cui hæc Epistolæ te-
nerrimum tulere solatium, suo Tractatu
de Synodis respondit.

§. L.

Tractatus S. Phebadii Aginnensis.

Secunda formula Sirmiensis, Potamii
partus, non solum in Gallia conde-
mnata, sed etiam docte a S. Phebadio
Episcopo Aginnensi refutata est. Primo
mentem suam declarat, non aliud sibi
scribendi propositum esse, quam neces-
sariam fidei defensionem contra hæresin,
cujus jam tanta esset temeritas, ut fidei
nomen, & Catholicæ etiam usurpare au-
deret; tum omnia formulæ Sirmiensis
verba a capite usque ad calcem rigido
examine subicit, & monstrat, ea ipsa,

Zz 3

quæ